

fin eadhon le chéile 'nan gràinealachd do'n Tighearna do Dhia.

19 Cha d'thoir thu *ni sam bith* 'an coingheall^a do d' bhràthair air riadh^b; riadh airgid, riadh bidh, riadh *ni sam bith* a bheir ear 'an coingheall air riadh.

20 Do choigreach feudaidd tu *ni* a thoirt 'an coingheall air riadh, ach do d' bhràthair cha d'thoir thu *ni sam bith* 'an coingheall air riadh; a chum gu'm beannaich an Tighearna do Dhia thu anns gach *ni* ris an cuir thu do làmh 'san fhearann d'am bheil thu dol g'a shealbhachadh.

21 'Nuair a bheir thu bòid do'n Tighearna do Dhia, cha dean thu moille 'na h-ìocadh: oir gu cinnteach iarraidh an Tighearna do Dhia uait i; agus bhiodh e 'na pheacadh dhuit.

22 Ach ma dh'fhanas tu gun bhòid a thoirt, cha bhi e 'na pheacadh dhuit^c.

23 An *ni* sin a chaidh mach as do bhilibh, coimhididh agus coimhlionaidh tu; a réir mar a bhèidich thu do'n Tighearna do Dhia, *eadhon* tabhartas faor-thoile, a gheall thu le d' bheul.

24 'Nuair a théid thu steach do fhìon-lios do choimhear-fnaich, 'an sin feudaidd tu fion-dhearcan itheadh mar is-miann leat, *eadhon* do fhàth; ach cha chuir thu bheag a'd' fhoith-each.

25 'Nuair a théid thu steach a dh'arbhar do choimhear-fnaich, 'an sin feudaidd tu na diafan a spionadh le d' làimh, ach corran cha chuir thu ann an arbhar do choimhear-fnaich.

†

^a isfached. ^b ann-riadh, ocar. ^c *sheag* an fhearainn.

C A I B. XXIV.

NUAIR a ghabhas fear bean, agus a phòsas e i, agus gu'n tachair nach faigh i deagh-ghean 'na fhùilibh, a chionn gu'n d'fhuair e neo-ghloine éigin innte; 'an sin sgrìobhadh e litir-dhealachaidh^d dh'i, agus thugadh e 'na làimh i, agus cuireadh e mach as a thigh i.

2 Agus an uair a dh'fhalbhas i mach as a thigh, feudaidd i dol agus a bhi 'na mnaoi aig fear eile.

3 Agus *ma* dh'fhuathaicheas am fear-pòsda ma dheireadh fo i, agus gu'n sgrìobh e litir-dhealachaidh dh'i, agus gu'n d'thoir e 'na làimh i, agus gu'n cuir e mach as a thigh i; no ma gheibh am fear ma dheireadh bàs, a ghabh i 'na mnaoi dha féin;

4 Cha 'n fheud a ceud fhear-pòsda a chuir uaith i, a gabhail a ris gu bi 'na mnaoi dha, 'an déigh dh'i bhi air a truailleadh: oir is gràinealachd sin 'an lathair an Tighearna, agus cha d'thoir thu air an fhearann^e peacachadh, a *tha* 'n Tighearna do Dhia a' toirt duit mar oighreachd.

5 'Nuair a ghabhas duine bean nuadh, cha d'théid e mach gu cogadh, *ni mò* a chuirear cùram gnothuich sam bith air: fanaidh e faor aig a thigh féin aon bhliadhna, agus bheir e fubhachas d'a mhnai a ghabh e.

6 Cha ghabh duine sam bith a chlach-mhuilinn iochdrach no uachdrach mar gheall: oir *tha* e gabhail anma *duine* mar gheall,

U u

^e annad, *Eabb*.

7 M

^d litir-dhealach.